

光緒江西通志

江西通志卷一百四十一

列傳八 瑞州府

晉

黃輔字萬碩建城人事親以孝聞州郡舉孝廉穆帝時仕至御史清直有節操以晉政不綱權臣擅命遂棄官

隱 豫章書

唐 南唐 附

應知頊

明一統志知頊作智頊

建城人隋末蕭銑林士宏亂豫章

知頊於華林山屯兵置柵保障一方武德五年李大亮

宣撫江南知頊歸之因表置靖州命為刺史功德及民

民愛之如父母

豫章書謝志舊案瑞州府志跋西六

江人徙居靖州生為刺史歿為城隍神人

物志既隸高安又入南昌今從白志刪定

一

鄧文瑞高安人四世同居五百餘口長幼嫻睦衣無常

主開元中詔旌其閭

氏族大全瑞字時麟咸通元年

譚案新喻縣志稱文

上其事詔賜粟帛表其門曰尚義官一弟知蕭灘鎮事乾符間黃巢黨向讓陷洪饒瑞挈家辟地於蒙山之陽云云攷蒙山之陽在今新喻縣界稱辟地疑本高安人而後居新喻也舊志均詳高安從之

李思元字文成高安人好學擅文行誼峻潔年十六舉

進士為文林郎時滕王元嬰鎮豫章請為師友

豫章古今記

幸南容高安人貞元中進士試第權衡賦與柳子厚同

年子厚有送歸聯句序曰比詞聯韻奇藻逸發爛若編

貝燦若貫珠雖枚生長卿無以尚之屢遷國子祭酒德

行孚於鄉孫軾有祖風咸通七年中三史科

豫章書

鄧璠高安人元和間自江西節度使權知袁州在任興

學化民有古循吏風詔令再任僖宗時所在兵起吏無

能名獨璠有政聲

林志

宋練高安人爲長沙掾四世同居以孝行聞咸通中觀

察使裴休上其行義詔旌門賜粟帛

豫章書

廖洪筠州人父母亡捧土爲墳結草廬居有青蛇白獸

來止廬側咸通中表其門

豫章書友傳敘曰

謝志舊案唐書孝萬載廖洪考南唐

時始分高安縣地置萬載縣屬筠州唐時無萬載縣當是史家從後書之耳

任瀟高安人性慧詩名早著時常侍李隲觀察江西聞

其詩有露溥沙鶴起人臥釣船流之句特免其役鄉民

有援例訟之者隲大書判云江西界內如有詩似瀟者

並與免役無敢應者咸通中登進士

林志

鍾傳洪州高安人以負販自業時王仙芝猖狂眾推傳

爲長乃依山爲壁至萬人自稱高安鎮撫使仙芝黨柳

彥璋掠撫州不能守傳入據之言諸朝詔卽拜刺史中
和二年逐江西觀察使高茂卿遂有洪州撫民危全諷
聞傳之去竊州以叛僖宗擢傳江西團練使俄拜鎮南
節度使檢校太保中書令爵潁川郡王又徙南平傳率
兵圍撫州天火其城士民譴驚諸將請急攻之傳曰乘
人之險不可乃祝曰全諷罪無害民者火卽止全諷聞
謝罪聽命廣明後州縣廢貢舉惟傳歲薦士行鄉飲酒
禮率官屬臨觀資以裝齎故士不遠千里走傳府傳少
射獵醉歸夜遇虎與鬪虎搏其肩而傳亦持虎不置會
人至斬虎然後免及旣貴悔之乃畫搏虎狀以示子孫
戒之曰士處事尚智謀勿效吾搏虎蹈危也子匡時嗣

唐書 自之舊案元和部縣志江西八州高安縣初隸
洪州袁州記南唐保大十年置筠州高安屬焉卽今瑞

州也瑞既別爲郡鍾傳係高安人自應入瑞州
舊志或訛爲萬載人兩郡重出今據史傳正

蔡劍字純鉤新昌人以平黃巢功爲左散騎常侍江南
西道節度副使子郊字貺夫爲行營判官高駢忌之付
以羸兵歿於王事

林志

歐陽持字化基高安人天復進士爲太學博士昭宗遷
洛持知朱全忠有異志遁歸西山楊行密奏除爲左拾
遺未幾察行密心不在唐乃歸田不起

人物志

沈彬洪州高安人唐末浪迹湖湘隱雲陽山好神仙善
賦詩烈祖輔吳表授祕書郎與元宗遊俄懇還以吏部
郎致仕元宗遷南都彬年八十餘來見厚賜粟帛以其
子爲祕書省正字先歲彬常策杖郊原手植一樹識之
語其子曰吾當藏骨於此及卒伐樹掘地至丈餘得一

石椁製作精麗光潔可鑒蓋上有篆云開成二年壽椁
舉棺就之廣袤中度子麟性至孝廬墓感慈鳥來巢之
異陸游南唐書白志舊案沈彬稽神錄以爲吳興人
一統志載彬墓在京口丹陽縣豫章書以爲宜春人
江西新舊志袁州瑞州重復互
載今據南唐書定爲高安人

宋

易延慶字餘慶筠州上高人父贊仕南唐至雄州刺史
延慶以父蔭爲奉禮郎顯德四年周師克淮南贊歸朝
授道州刺史延慶亦授大名府兵曹參軍後爲大理評
事知臨淮縣乾德末贊卒葬臨淮延慶居喪摧毀廬於
墓側手植松柏數百本且出守墓夕歸侍母紫芝生於
墓西北數年又生玉芝十八莖本州將表其事延慶懇
辭或畫其芝之京師朝士多爲詩賦稱其孝感服闋以

母老稱疾不就官母卒後槩殯數年延慶出爲大理寺丞嘗司建安市征及母葬有期私歸營葬掩壙而返知軍扈繼昇言其擅去職坐免官復廬墓側數年母平生嗜栗延慶樹二栗樹墓側二樹連理蘇易簡朱台符爲贊美之後知端州卒子綸大中祥符元年進士及第宋史鄒渠字勇夫新昌人因世亂與蔡劍同起義兵討賊有功授節度使後仕南唐宋乾德中隨李後主來歸授銀青光祿大夫仍昇節鎮卒贈尙書右僕射少傅英國公

林志

蔡用之字宗野新昌人天禧進士嘗獻萬言書真宗稱爲天下奇才出其文以示諸學士曰此江南夫子也促赴闕詔下而卒

林志

劉渙字凝之筠州人舉進士爲潁上令以剛直不屈棄官歸家廬山之陽時年且五十歐陽修與渙同年進士高其節作廬山高詩美之居山三十餘年環堵蕭然游心塵垢之外以壽終

東都事略 白志舊案朱文公守南康爲凝之作壯節亭記謂其高

懷勁節可以激懦律貢立祠祀之

劉恕字道原筠州人父渙恕少穎悟俊拔年四歲坐客有言孔子無兄弟者恕應聲曰以其兄之子妻之一座驚異年十八試經義說書皆第一釋褐爲鉅鹿簿遷和州令司馬光修資治通鑑奏請同編修恕於魏晉以後事尤能精詳考證前史差謬光悉委而取決焉王安石與恕有舊欲引修三司條例恕以不習金穀辭因言天子方屬公以政事宜恢張堯舜之道以佐明主不應以

財利爲先安石不能用遂與之絕方安石用事呼吸成禍福高論之士或始異而終附口順而心非恕奮厲不顧直指其事面刺安石至變色以親老告歸南康乞監酒稅以就養居母喪未除而卒年四十七著十國紀年四十二卷資治通鑑外紀十卷

東都事略

謹案恕子

次子和仲有清軼才作詩清奧刻厲欲自成家爲文慕石介有俠氣蚤死又攷蘇軾黃庭堅集恕弟格字道純有文學膺鄉舉以薦辟仕蘇黃並推挹之舊志未載附錄於此

劉義仲字壯與恕子幼敏慧博洽作五代史糾繆司馬光以其父有修通鑑功乞蔭其子補郊社齋郎清介有父風厯鉅野德安簿政和閒以蔡京薦召爲宣教郎道史編修官

謹案道史事見徽宗本紀星子縣志作逸志大誤人物志刪去亦非

至京師絕

不造謁一人昌言曰吾但知天子有命不知有薦我者

竟棄官歸廬山自號漫浪翁或通刺但書江南劉義仲

又數年卒朝廷聞其太初歷甚精密詔就其家索之物

志謝志舊案人物志以劉恕父子爲星子人白志斷從宋史

陳世昌高安人該貫羣書兩中博學宏詞科調復州錄事參軍致仕自號大田農著有漢韻一千六百字及老

農集

林志

吳太元字一翁高安人景祐進士以大理評事爲開封戶曹司馬光薦升鄆州掌書記富弼器之後守潯州入爲尙書都官員外郎改漕湖北

林志

蔡曾字子飛新昌人淹貫經史入太學劉丞相沆請爲子弟師一日語云欲以郊祀恩例浼子曾不答明日束裝歸闢南園築亭樹植花木自稱東郭居士

林志舊案蔡

曾黃山谷姑夫子飛見
南園記林志字飛卿誤

劉平伯高安人漢建城侯之裔高蹈好文名士推之二
蘇兄弟過訪並有賡詠子瞻寫墨竹以贈今猶珍藏其

家

人物志 白志舊案劉平
伯姓名蘇集未見姑存之

阮薦字仲元新昌人少敏慧嘗以所爲文謁邑宰劉滂
滂一見大奇之後入太學中舍會日者謂薦曰君宜隱

居薦卽幡然南歸以詩酒自娛無復仕進意乾道中漕

使芮煜辟爲本州學正堅辭不就

人物志 白志舊案
阮薦林志作薦未詳

孰是

龔端字德莊新昌人元符進士立朝未嘗隨世俯仰靖
康閒極論時事之失徽廟將禪位遣端馳驛陝右密諭
督軍赴國難明年謁淵聖皇帝除將作監時金人犯順

以端爲河東路奉使參議官未幾京畿戒嚴端憂志成

疾請老不允及聞兩宮北狩憤惋卒

人物志

李師愈字好古高安人博學多聞負笈從劉子澄講學

於匡廬山中乾道閒領鄉薦漕使芮煜舉師愈應制科

未及赴而卒

林志

鄒致字至之新昌人博洽強敏授諸子各一經時號鄒

五經事母孝母卒廬墓有五色芝產於旁子及進士

林志

白志舊案鄒致人物志以爲元人據科目考鄒及高

宗建炎二年進士南宋初距元尙百四十餘年及致子

也子爲宋進士父爲元人可乎今從林志

雷孚字保信新昌人政和進士以通直郎宰上高宜春

俱有惠政倅虔州齊述倡亂緣坐三千人郡將欲盡殺之孚力爭得釋秉性純厚好德尙義居家清白官至朝

散郎以子孝友貴贈太子太師

林志

劉愿字恭叔新昌人博學負重名宣和進士歷鼎承二州倅廉介有爲時盜賊徧天下惟愿所至盜弭民安趙鼎張浚交薦於朝除守沅州命下而卒

林志

蔡謹字伯恭新昌人力學不仕築義方書院有志於學者俱廩給之里有爭不愬於官而決於謹有王烈之風號無爲居士

林志

趙像之字明則高安人紹興進士授臨川司戶較藝廬陵得周益公楊誠齋爲門生仕至軍器少監像之爲詩文平淡簡遠雖持節秉旌而家猶貧焉

林志

蔡滌字慶崇新昌人乾道進士初調湘潭簿雪旁邑冤獄卻餽贖上官以廉明薦調巴州教授改安化令庭無

留訟尋倅金州爲人靜慤清介平居飲酒賦詩當官辨

治整暇與上官論事有不可必力爭之人物志 白志 舊案蔡澤林志

作淙未詳孰是

雷孝友字季仲孚子乾道己丑以詞賦魁南省任南劍

教授再調國學錄光宗卽位除國子祭酒旣而擢給事

中進御史中丞除知樞密院兼參知政事高安縣開國

公不諧於時屢乞骸骨以觀文殿學士知福州卒贈太

師諡文簡林志

邱泰字仲義高安人淳熙閒父山疾泰刲股以進尋愈

轉運使趙彥操聞於朝孝宗御筆書付史館後更名高

林志 白志 舊案林志 陳友直 高安人 親歿廬墓二年

稱孝子 又張茂馮忠孝上高人嘉熙閒父母病篤皆刲

股以進 又有刲股療父疾者 李德勝 晁汝清 黃顯 吳應

發 盧十一 仇大任 晏十二 諸人療母者 王文旺 吳仲三

雷大年劉信伯戈廷秀諸人又安志孝義傳有蔡嵩蔡岑高安人類記於此

趙不黯字稷臣高安人宋太宗六世孫舉進士歷官至二千石後退居錦水孝宗以近臣薦擢太宗正加開府儀同三司寶慶二年入祀樂善書院

林志

唐允功字汝賢高安人資穎好學經史百家無不通貫時人號爲書廚丞相趙鼎嘗大書潛心居士四字贈之所著有飴經倦錄

林志白志舊案允功人物志作允恭府縣志與林志同

幸元龍字震甫高安人慶元進士初尉京邑時万俟卨之孫與岳飛家爭田歲久不決府檄元龍裁斷積案如山元龍並不閱視卽擬云岳武穆一代忠臣万俟卨助檣逆賊雖籍其家不足謝天下尙敢與岳氏爭田乎田歸於岳卷昇於火時論遽之改知當陽縣擢通判郢州

忤史彌遠劾令致仕紹定辛卯秋京師災彌遠私第獨存元龍自家上封事云天火曰災人火曰火陛下卽位以來虛已以聽宰相若火出於天臣知宰相獲罪於天若火出於人臣知宰相獲罪於人且言彌遠負甯考付託竊陛下威福使天下知有丞相不知有天子願陛下戮其首以謝天下籍其家以賙天下然後斷臣之首以謝彌遠則災自弭矣明年卒子溥中嘉定進士廉介有父風知鬱林人物志白志原案豫章書以幸元龍爲嘉泰間進士鄂州通判與此不同幸當時高安人元龍弟授光化軍司戶襄帥趙范檄往唐州收買軍需未幾武守郭勝叛當時不從被殺事聞朝廷嘉憫贈京秩官其一子林志陳仲微字致廣高安人嘉泰進士調莆田尉臺閩委以

縣事時歲凶部卒并饑民作亂仲微立召首亂者戮之
一境以肅遷海鹽丞鄰邑有疑獄郡命仲微按之一問
立決改知崇陽縣通判黃州遷知贛州江西提點刑獄
忤賈似道罷久之起太府寺丞時國勢危甚仲微上封
事其略曰悞襄者老將也失襄之罪君相當分受其責
天子若曰罪在朕躬大臣宜言咎在臣等宣布十年養
安之往謬深懲六年玩寇之昨非救過未形固已無及
追悔既往尙愈於迷轉敗爲成在君相一念聞耳出爲
江東提點刑獄德祐元年遷祕書監益王卽位海上拜
吏部尙書給事中厓山兵敗走安南卒年七十有二宋史
阮寅字公亮新昌人嘉泰進士初調龍陽尉以薦改知
房州轉朝請大夫鼎澧辰沅靖沿邊都大巡檢使馬步

軍都總管節制湖北軍馬知澧州所至能保障撫循一

方戴德子恕字伯寬以蔭宰分甯改善化

林志

塗近正字尊爵高安人嘉定閒以承務郎致仕敦倫篤

行博學能文深於性理所著有明倫集三卷

府志

羅之紀字國張高安人幼穎悟嘉定時奏入等授孝感

縣尉攝邑雲夢持身廉謹遇事精審上官少不爲禮因

雪壓竹賦詩云吾道非邪真可恥此君豈是折腰人遂

飄然棄官歸自號筠心居士

林志

胡仲雲字從甫高安人年十三通書史入太學率諸生

伏闕上書論罷京尹余晦蔡適爲祭酒仲雲與弟仲霖

師之盡得朱氏之學寶祐登進士監行在倉時丁大全

用事欲鉤致以館職不就以江萬里薦除太學正因忤

賈似道出倅臨江旣而家居起爲國子監簿攝吏部左侍郎遷樞密院編修官攝尙書右司黜爲浙東提刑兼權紹興安撫旣至減月椿錢三之二復追還買鎗錢五萬吏贓三萬六千分諸貧民越有僧殺人賈黨匿之仲雲嚴限置於法會母憂去歲餘聞九江失守辟地南海攜家泝流至廬陵而卒

林志

朱昫筠陽人理宗朝中神童科號荷山先生有文集傳於世子資深以文學爲搢紳推重補西澗山長孫逢原邃於易領鄉薦爲湖廣校官事父以孝聞

朱一齋集

劉應龍字漢臣高安人嘉熙進士知崇仁縣淮西失守江西諸州有殘破者縣佐貳聞變先遁應龍固守不去遷司農少卿尋去國景定三年湖南饑起提舉常平以

救荒功遷知隆興府兼江西轉運副使奏免和糴二十萬石擢權戶部侍郎時賈似道當國應龍言臣觀邇日以來靖恭自守者以論事爲忌指陳稍切者輒聯翩引去恐正臣奪氣鯁臣結舌宜非盛世所有遂忤當路以集英殿修撰知建甯府久之起爲江東轉運使辭南海寇作朝廷患之移廣東經略安撫使寇聞應龍至遁南海大治特旨屢召拜戶部侍郎上奏辭免德祐元年遷知贛州兼江西兵馬鈐轄青海軍節度使力辭隱九峯子元高亦舉進士

宋史

陳元亮字季德仲微從子博學尙氣節補太學升國錄時賈似道私人洪燾尹臨安倚勢作威元亮率諸生數百人伏闕上書歷數其姦上爲黜燾元亮遂爲賈所忌

戊辰當對集英殿太學名士多倖取上第元亮獨恥之
有司復希賈旨置之丙科授慶元府教授再遷御前軍
所幹辦官

林志

劉元高字仲山應龍子長身山立每與姚勉胡仲雲論
天下事輒慷慨激烈時號高安三俊元高淳祐進士初
授迪功郎柳縣簿斷事如破竹當道爭致之幕下以薦
除知甯都縣改侯官縣多豪貴一繩以法復以薦爲御
史卒所著有漢史意鈔書史續鈔貴華錄三劉家集山
居稿

人物志

雷作字大起新昌人爲鎬州錄參時捕訊者獲茶商十
餘人悞爲真盜作理出之太守尹機參督府謀議選守
邊舉府事屬焉方薦其才作慨然求歸遂致仕

林志

蔡志學字及之新昌人淳祐進士初調興國簿憲使李迪愛其才檄入僉幕按法訊擬民稱不冤秩滿調武昌節度掌書記再調太和令獨立不撓剖決如流尋倅清江未幾知高郵終朝奉郎自號如心居士

人物志

劉師尹字堯咨一字元衡新昌人嘗詣闕獻書陳古今理亂得失之故及足國裕民養才取士選將練兵制勝之策不報初授長沙司戶參軍再授江陵府察推居官廉潔無私自號戒得翁竟以直忤上司棄官歸

林志

姚勉字成一新昌人寶祐中狀元授平江節度判官丁父憂服闋除正字時太學生有因論丁大全而被逐者勉上言斥逐學宮之士以禁天下之言此蔡京秦檜所爲今日豈宜有此遂歸及吳潛入相召爲校書郎輪對

言朝廷綱領惟在用人聽言又及守帥數易之弊後上
過東宮勉講否卦因指斥權姦無所顧避忤賈似道遂
諷孫附鳳劾勉爲吳潛黨免歸有雪坡集

林志謹案四庫全書

提要作高安人雪坡集其從子起龍編

羅天酉字恭甫新昌人師事饒雙峯開慶進士以格非
心去非人對策忤丁大全擯外歷官知懷集縣不期年
而治成父喪後遂不起所著有柘岡文集

林志

黃夢炎字如晦新昌人景定進士初調贛縣尉再調饒
州軍判官侍御史曾淵子奏舉文華科江東憲使趙與
櫛奏辟提幹夢炎少與姚勉胡仲雲劉元高齊名號錦
江四俊嘗相與詣書庫借其籍一覽輒焚之乃具紙默
疏纖悉無遺後終於家

人物志

蔡汝揆字君審用之七世孫師饒雙峯得道學之傳門人號愚泉先生所著有希賢錄貫道集友議等書

林志

鄒禮字用和高安人才識明敏當路辟爲掾史年三十四歸隱以養親教子爲樂張公疇薦諸集賢賜稱德逸

處士

林志

胡希是仲霖子幼通經史十五遊京師一時名公折行輩與之交常謁江古心得其作文之法下筆有西漢風宋亡隨父隱遯所著有洪範考訂大學稽疑太極圖說史論及於山集

林志

熊襄字贊國新昌人以蔭授無爲簿再調湘潭司法正直忤上官拂衣歸以郊祀恩授迪功郎監潭州糧料院秩滿家居結義兵以保鄉井劇盜不敢近乙亥邑人姚

文龍自九江引兵先犯鄉郡而遣其弟論降襄殺之次年兵至取潰見執文龍詰之襄曰去年我殺卿家今年殺我丈夫何恨之有遂死

人物志

李長庚字子西新昌人初任清江尉再調湘潭丞元兵至同寅皆遁獨長庚攜諸司印居守被執不屈死士友葬於學地并爲文表其阡

林志

元

李明德瑞州路上高人讀書有志操孝行篤至亂兵陷袁州因鈔掠上高執其父欲殺之明德泣告曰子豈不能代父乎願勿害吾父也兵遂殺明德而免其父

史元

陶復亨字仁叔新昌人性超達善古文詞咸淳間試補國學元初充興國教授文行相稱有梅花百詠行於世

人物志 謝志舊案陶復
亨人物志入宋白志改定

吳楚字方叔高安人性狷介博洽經史至元開授四會
縣尹後更上杭建甯浦城所至輒以廉能稱鋤強植弱
救荒禦寇活人至數萬閩人號曰吳廉訪

林志

姚雲字聖瑞高安人宋咸淳進士初調高郵尉後除龍
興察推再除工刑部架閣以宋故官授承直郎撫建兩
路儒學提舉秩滿家居尤工詞調風韻不減秦淮海有
江邨遺藁行於世

人物志

塗謙字伯益高安人至元開以功授本府推官累遷懷
遠大將軍謙雖貴爲連帥而雅澹沖約益勵操行投老
家居自號雲溪道人黃冠野褐日容與山水閒子濟亨
字吉甫克紹家學筮仕甯州判官知永新州所至以廉

能稱

林志

漆希范字文翁高安人仕本縣文學升靜江路教授湖廣省聞其賢辟爲掾廉謹修飭升臨江路知事清望益著識與不識皆稱爲平溪先生

林志

吳起孫字誠甫高安人九世同居素無恆產資醫術以供食至大中本省以聞至今稱爲義門

林志

涂源字原叟高安人早失父事母幸氏盡孝延祐三年除知黎州以母老不肯赴母強之出至州聞訃徒跣奔歸旣葬廬墓三年

林志

熊師說高安人讀書好義家裕於資歲歉輒周貧乏鄉里稱爲義翁至元間撫州進賢饑告糴於其家發粟八千石賑之不受直子志文與同邑胡浚孚俱以賑饑得

旌府

志

楊浚字子元高安人博洽書傳精練吏事至元閒辟爲掾史活人甚多壯年卽投筆杜門惟以養親爲樂趙子昂爲書紫源二字贈詩有紫源賢功曹四十已投筆之

句

府志

伍良臣字雲從高安人駙馬都尉興甫之子致力經籍爲詩文暢達清潤遊京師不諧於俗後辟爲臨江經歷八十日卽棄去

人物志

毛忠吾新昌人至正壬辰紅巾賊陷新昌張子忠李子鈞克復州治越五日州復陷子忠罵賊而死忠吾保逍遙山招郭克敬合兵援州治復之甲午歐祥復陷上高忠吾退守古陽寨七年間大小百餘戰皆捷鄉境賴以

保全

豫章書

謹案白志元人列傳首載劉秉忠及其弟秉恕謝志仍之以秉忠有先世居瑞州之語也伏讀欽定四庫全書提要曰元劉秉忠先世雖瑞州人而自遼及金播遷已久乃援其祖貫引入鄉賢將孔子自躬殷人亦可入中州志乘乎錢大昕十駕齋養新錄云江西瑞州本名筠州宋理宗朝始避諱更名秉忠久居那臺先世居瑞州而仕於遼金是遼金之瑞州非宋之瑞州元史地理志廣甯路有瑞州屬遼陽行省秉忠先世必居筠州改名之瑞州絕無確證大清一統志秉忠載入順德府人物瑞州府新舊志皆無傳今據明

胡連字商用高安人父死括蒼兵興道梗連艱險萬狀負骨歸葬人以孝稱之明兵至江西天完將劉敬欲退守新昌連說曰今真主已出不降何待瑞且不可守況新昌乎宜亟爲一郡生靈計劉素聞連名忻然從之連爲奉書詣軍門降一府十萬戶賴以安全洪武初應通

經舉爲本府學訓導升句容教諭引疾歸杜門觴詠所

著有易學會通及子史百餘卷

豫章書

羅君友高安人洪武初應辟舉赴京師任本府學教授

而歸讀書講學於清谿之上以維持綱常爲已任

朱一齋集

謝志舊案羅君友林志不載人物志作均友白志據一齋所撰清谿書院序改正

李仲德上高人洪武中以賢才應辟任龍江提舉攝河

南道事清儉執法升大理評事改刑部主事捐俸餘以

濟公用同僚高志明等忌之以事誣仲德廷爭不屈觸

上怒被誅既而察其誣特旨賜祀

人物志

鄒用字惟信新昌人讀書好義元末大亂與毛忠吾等

糾義兵保鄉曲屢破賊將陶九於郡境撫流亡宜豐賴

之復說天完袁州守將歐祥附迎高皇於隆興洪武四

年命從宜春侯黃彬收集鄉寨頭目論功授雄武衛管軍百戶子甯智勇有父風洪武二十三年征進都勻明年又從征平州牙州龍海等處俱有功已又征威清八

番紀績通敘授昭信校尉命襲偏橋百戶

人物志

冷曦字景賜新昌人洪武中爲御史剛正不阿劾去都

御史劉觀及壞法御史六員百官震恐

林志

劉謐字成式高安人聰慧倜儻善屬文朱學士善見而器之爲作藝耀軒記洪武閒貢授吏科給事中彈劾無所避忌竟以此忤權貴謫戍甘肅

林志

徐振字伯起高安人繇舉人歷晉江教諭長沙教授生徒遇有貧而勤者輒捐俸資給之所成就多一時名士

以祭酒蔡清爲最

林志

孟充字實夫高安人博洽書史爲文有理致縣舉人授敘州府學訓導升福安知縣朝夕吟詠所著有山樓集

府志

朱益字易亨高安人永樂鄉舉己丑中乙榜例授學職率同榜者十二人上言道未明未可以教悞人也乞卒業辟雍爲祭酒胡儼所重乙未登進士授刑部主事命於沛縣董運木植事集而民不勞以尙書吳中薦升郎中卒於官檢所餘俸僅給棺衾而已

人物志

潛溟字彥鵬高安人美丰采目如炯星永樂進士授監察御史文皇選使北平面命十數事既出追還詰問對無遺上器之後果稱旨受知益深事之難決者輒曰付虎眼御史謂溟也方將大用而扼於忌者出爲廣東按

察副使後又以事左遷運判終知杭州府

府志

楊潤字伯玉高安人永樂進士授南御史有坐法餽金求庇者潤執其人置諸理仁廟獎以爲能升山東僉事劾巨寇劉雄黃虎升四川參議平敘南彝重慶大旱發官庫賑濟全活者數萬歷官三十年囊橐蕭然居家惟務讀書考古卒年九十一卒後數日鄰居火子賁祝曰若先君無愧願全歸之俄而火反柩得免

府志

況文字應奎上高人永樂進士擢御史巡按至湖州嘗夜夢一人被髮從老翁來且泣且訴詰旦有巨蛇伏於廳事乃召官吏詢之意必有冤者旣而廉得歸安民嘗毒殺人方匿屍山澗中捕訊盡伏辜人咸稱爲神明正統己巳都御史以扈從北行推掌都察院事出爲廣東

參政

人物志

王綱字存紀上高人永樂進士下第與蕭時中等具奏考試不公文皇復親策副榜舉人綱與時中等十八人皆賜冠帶令祭酒司業親教之後科果登上第巡按福建廣西河南正統閒官至山西右布政使歷任四朝始終翼翼歸休於家罕接官府

人物志

況琛字宗魯高安人永樂進士聞母喪奔歸哀痛幾毀服闋赴京道經九江聞弟喪遂乞歸養除永平教授不欲赴解學士縉有詩贈行勉強之任然拙於逢時尋歸杜門多著述

府志

朱廣明字則誠高安人穎悟工詩文繇舉人厯山陽增城教諭甯海學正所至從遊甚眾求文者無虛日

人物志

白志舊案朱一齋集有贈筠陽朱則誠序稱郡文學朱溟疑卽其人

易輓字仲載高安人永樂進士以言忤權貴謫武定州同知尋改判杭州時仁和賊大肆剽掠輓用計入其營

禽巨魁賊遂平升高州知府

林志

陳鑑字貞明高安人宣德進士授行人擢御史出按順天言京師風俗澆漓其故有五一事佛過甚二營喪破家三服食麗靡四優倡爲蠹五博塞成風章下禮部格不行改按貴州麓川思機發遁孟養屢上書乞宥罪通貢不許復大舉遠征雲貴軍民疲敝苗乘機煽動舉朝皆知其不可懲劉球禍無敢諫者鑑抗疏言賊酋遠遁不爲邊患宜專責雲南守臣相機剿滅無遠勞禁旅王振怒欲困之改鑑雲南參議使赴騰衝招賊已復撫鑑

為巡按時嘗請改四川播州宣慰日志誤司隸貴州為

鑑罪令兵部劾之論死繫獄景帝嗣位乃得赦尋授河

南參議致仕歸卒明史

況暹字鼎元上高人繇舉人歷萊陽漢川歸安諭光祿

寺署正制行純潔文章典雅周旋禮度俱可為法間居

三十年以讀書自娛卒祀鄉賢明一統志

鄔瑀字汝瑀新昌人宣德中以邑掾任溧陽縣丞吏胥

不得為奸秩滿所部數千人詣闕保留升本縣知縣行

車愈勵於前在官十五年卒人物志

周廣榮字仲仁新昌舉人任崇慶州知州廉介有為豪

強屏迹改邳州蘄州愛民節用民心懷之升都督府經

歷屢言時政得失推薦林俊王相終雷州知府府志

賈信字順夫高安人初爲臬掾財不苟受事不避難正統間辦事南京司刑名者多待以脫橐尙書趙翊器重之薦授本部主事升工部郎中廉州知府

府志

況真字彥珍高安人繇歲貢歷工部刑部主事福建僉事正統己巳鄧茂七黨寇汀州偕指揮馬雄討之有功明年因罣誤降大使天順間復官僉事致仕

府志

毛倫字時敘新昌人初授南太常博士歷升兵部職方郎中服官二十餘年廉慎敏決尚書魏驥嘉之上疏薦升本部侍郎致政歸

人物志

敖鉞高安人宰宿松二載兩奏水患去任三年復疏荒糧補潛江甫經十月歲旱題請蠲賑民賴其惠所去見思爲御史再劾近侍巡按貴州致仕

府志

袁彬字文質新昌人正統末以錦衣校尉扈車駕北征也先擁帝北去從官悉奔散獨彬隨侍不離左右周旋患難未嘗違忤夜則與帝同寢天寒甚恆以脅溫帝足也先將獻妹於帝彬請駕旋而後聘帝竟辭之居漠北期年猶骨肉也及帝還京景帝僅授彬錦衣試百戶天順復辟擢指揮僉事尋進同知帝眷彬甚奏請無不從賜予優渥時召入曲宴敘患難時事歡洽如故時進指揮使掌衛事以平曹欽功進都指揮僉事時門達恃帝寵勢傾朝野廷臣多下之彬獨不爲屈達誣以罪請逮治帝欲法行語之曰任汝往治但以活袁彬還我達遂銀鍊成獄賴漆工楊塤訟冤獄得解然猶調南京錦衣衛帶俸閒住英宗崩達得罪貶官都勻召彬復原職仍

掌衛事未幾達徵下獄充軍南丹彬餞之於郊餽以贖
成化初進都指揮使先是掌錦衣者率張權勢罔財賄
彬任職久行事安靜十三年擢都督謝志談脫僉事莅前軍
都督府卒於官世襲錦衣僉事明史

朱漢字景雲高安人成化進士授太常博士太常寺官
多出身道流漢上疏極論之升南道御史劾罷尚書倪
謙侍郎錢溥歷升河南僉事陝西副使備兵漢中風裁
凜然奸貪縮首盜賊屏迹民至今懷之歲時報祀人物志

熊傑字貴顯高安人成化中以太學生通判保甯府嘗
按豪惡母文信獄竭誠感奇夢論死者四十三人上司
減其半羈傳食以配徒一夕火發盡死蜀人神之松茂
運梗設法隄備餉足而民便居官廉明簡易尤能禮士

夫善僚友著有守齋集

人物志

王相字樂用新昌人成化進士授御史未幾以親老歸養林居二十餘年與羅一峯張東白莊定山爲友宏治間膺薦復起爲御史升廣東僉事終於家

林志

陳政字以正新昌人成化進士歷吏部郎中左右通政工部左侍郎督營茂陵修蘆溝橋京通二倉疊奉璽書優勞宏治間河決張秋運道梗兼僉都御史總理之卒於官

府志

黃山字允高高安人成化進士授行人屢奉使不以毫髮自汙宏治間擢御史何文鼎以忠諫得罪山上疏力爭巡按浙江瀚宿弊懲奸貪雖親故無所假借升廣東

僉事

林志

吳堂字廷器上高人成化閒由監生任泉州推官性喜澹薄節嗜欲嚴取與嘗自勵曰居官不清白何顏觀士夫後解組歸行李蕭然林下二十年士論高之

休志

黃景字文昭上高人成化進士歷禮部郎中奏對稱旨升通政尋遷禮部左侍郎宏治初以時議不合致仕正德閒坐事謫戍燉煌尋宥歸卒景嘗奉詔保定河閒賑荒計慮周悉活人甚眾又嘗勸憲宗以養心之學及建議裁抑西僧之爲民害者

林志

游輝字公憲高安人成化貢生任龍泉知縣地多刁訟輝恩威兼濟民皆感德去任日哭聲載路居鄉孝友慈愛閭里宗黨無閒言有不平事咸請質正人比之王彥

方云

府志

朱繼祖字孝思高安人成化進士授兵部主事守山海關轉武庫郎中出爲廣西知府會竹子山盜發督兵勦之逾月奏捷改知楚雄在任二年以直忤時貴告休

林志

劉公泰高安人性孝友好施予成化庚子歲饑發私粟六百石以賑正德間年百歲副使李夢陽檄府爲立坊

林志

劉允中字叔彝高安人成化進士讀中祕書改工科給事歷禮科都給事多所建明憲廟倚眷目爲劉長子允中入朝墜馬創巨適奉旨總理西甯糧儲力疾馳驅冒寒暑不避疾轉劇乞骸骨歸允中居官一切俸入盡輦分族之貧者洎居鄉族有逋課輒代之輸或偶忿爭必曲爲解勸以故劉氏德讓爲閭里所稱

人物志

簡方字德馨上高人宏治進士任南刑部主事升兵部

郎中性耿介執法明允權勢無所假借卒於官

林志

陳祥字應和高安人宏治進士初授上虞知縣以內艱歸復補華亭時劉瑾專恣趨附者眾及瑾敗上搜餽籍無祥名行取山東道御史巡按四川澹素如寒士時有御史素以賄聞而依憑城社祥發其私詔免秩及報命以論堂官忤當路出知惠州楠岡

原誤

巨寇作亂命王守仁往征之祥滅其二巢績奏加正三品服俸歷官右

副都御史

人物志

蔡時字純中新昌人正德進士初知麻城縣晉大理評事武宗有詔南巡時偕舒芬余廷瓚等危言極諫請斬賊臣江彬以保聖躬上大怒下錦衣衛械繫獄申罰跪

牛門外七日至五日京師陰霾晝晦宮城內海子水溢橋下鐵樹七齊折於是有旨杖時及林大輅等於午門前調南京都察院照磨世宗登極召還大理擢浙江僉事提督兩浙及蘇松等處屯田水利事豪右數侵太湖悉奪而歸之水利始通尋以病歸家居數年杜門著述嘉靖己亥安南不庭上追念忠鯁才略俾副毛伯溫往征之命下卒

人物志

朱實昌字士光高安人郎中益之孫正德進士授旌德令改海鹽應召擢山東道御史上遊獵建儲除奸佞等疏議大禮忤時相廷杖改南道歸養都御史屠浦奏起補北道歷按蘇松三吳大饑奏緩歲賦三十八萬有奇俟歲稔帶徵後復奏請蠲之以直言觸當事降淮安知

府居官廉靜士民悅服有臥鎮淮陽去思遺碑未幾致

仕卒

人物志

陳益字啟行高安人以六經教授弟子學者稱行素先

生所著有做帚集

白志

李文字顯道上高人由舉人知乳源介潔自持興學校

崇禮教政化大行比卒士民流涕

廣東通志

劉志方字端夫高安人由舉人授仙居知縣時歲饑民有路攘富室之粟者守悉置之死志方曰愚民無知苟延旦夕耳非越人於貨者比守悟活者數十人又有僞獲盜布者志方詰之皆曰婦織之耳命各取織籠來驗之則盜果僞事獲釋其爲政慈祥慎密類如此升和州同知致仕所至輒有去思

府志

列傳

陳拯字方周高安人由舉人署奉化訓導勤學善教人才多所成就升邛州判官清而有惠嚴而不苛家居十年化成鄉黨

府志

聶琪字周贊上高人正德進士授刑部主事歷官福建僉事會倭寇興泉躬冒矢石民賴以安擢山東兵備副使致仕歸

府志

黃美字石龍上高人性剛介嘗讀書白鹿洞歷知嘉興秀水縣事所在稱治故事坐堂日供黃絹一匹美曰民脂膏也去之有吳生鵬才而貧美厚恤之及美致政歸不十年而鵬開府江西會有令營薦者知美最善鵬持千金以請美愕然曰求薦豈好官邪麾去弗顧江南巡撫聞其高具金綺聘之不赴卒祀鄉賢

縣志

吳雲高安人爲府掾正德己卯李蕃李貴集叛黨助宸濠謀逆雲從別駕胡某於石鼓潭禽之濠敗王守仁奏其功有旨赴京聽選雲以母老乞終養恩賜冠帶養親

府志

傅興高安人性至孝父疾感夢百里外徒跣求醫得撫州絕嶺古井水調藥而愈祖母曹氏孀居爲華林賊所掠欲殺之興渡水以救賊用巨鏡壓之鏡忽斷賊驚異釋之事聞詔冠帶表其門

明一統志

謝麟字秀瑞高安人太學生積學能文屢試不售正德壬申華林賊肆虐劫其家麟負母踰垣以避賊追尋益迫家人速之走麟曰母在顧棄之去乎旣而賊執其母麟奮力爭之母得免麟爲賊所殺

府志

吳山字曰靜高安人嘉靖中進士及第授編修累官禮部左侍郎改吏部尋代王用賓爲禮部尙書加太子太保山與嚴嵩鄉里嵩子世蕃介大學士李本欲與爲婚姻山不可帝欲用山內閣嵩密阻之大學士靳貴妻早寡及老有司奏請旌表山不可徐階爲之言山正色曰相公慮閣老夫人再醮邪階默而罷裕景二邸並建國本未定帝忽諭禮部具景王之藩儀嵩知帝激於郭希顏疏欲覘人心諷山留王山曰中外望此久矣立具儀以奏王竟之藩四十年二月朔日當食微陰歷官言日食不見卽同不食嵩以爲天眷趣部急上賀侍郎袁煒亦爲言山仰首曰日方虧將誰欺邪仍救護如常儀帝大怒責禮科對狀給事中李東華等震懼劾山請與同

罪帝乃責山賣直沽名停東華俸嵩言罪在部臣帝乃
遣東華等命姑識山罪吏科梁夢龍等見帝怒山甚又
惡專劾山乃并吏部尙書吳鵬劾之詔鵬致仕山冠帶
閒住時皆惜山而深快鵬之去穆宗卽位召爲南京禮
部尙書堅辭不赴卒贈少保諡文端

明史
白志

劉子立字以中高安人天性孝友年十五失怙母吳氏
病失明不離左右者十餘年吳卒廬墓側仲弟季弟天
卒撫其孤爲己子子立博治經史聚徒至百餘人一時
搢紳多出其門嘗受學於鄒東廓與鄧元錫傅明應論
道後園書社交相砥礪憫筠俗棄文作育文文勸之感
而舉女者不可勝紀憂邑賦偏重與吳會廖寶等極力
條陳得改南折筠人德之

人物
志

傅明應字國卿高安人年十五中嘉靖鄉舉父繼孟客
滇南母歐陽氏寢疾不起日夜侍側憂形於色母強之
學湯藥餘閒不廢誦習尤潛心理學師事鄒東廓羅念
菴時奉旨廉天下孝行江西四人明應居其一將徵用
尋因父喪冒暑卒

人物志

藍璧字完卿高安人嘉靖進士選庶吉士遷戶科給事
中改禮科時上意修元璧以忤旨廷杖出爲湖廣參政
歷四川按察使山東廣東布政使俱有治績在蜀蘇沱
嶽在粵清番稅人尤稱之

人物志

熊相字尙弼高安人歷官御史有能名居鄉尤爲月旦
所重凡百公事有利地方者力任不辭前知府鄺瑤修
郡志皆相所裁定士類至今稱其人

人物志

鄔連新昌人嘉靖進士授工部主事歷任承天知府湖廣副使雲南左布政應天府尹所至清聲茂著升巡撫浙江副都御史楚中科臣有忌之者調南京歸里杜門不出

人物志

廖暹字曰佳高安人嘉靖鄉舉任武康令調詔安政務寬平尋罷歸嘗從鄒東廓講學構西郊書院爲筠士發明良知之旨郡邑名士若況叔祺輩皆出暹門子性之字道夫嘉靖鄉舉弱冠隨父從東廓學篤信謹守初授陽信教諭轉松陽縣令升路南知州致仕歸

人物志

況叔祺字吉夫高安人弱冠登進士授刑部主事曹署清暇益肆力學問與東吳王元美南昌余德甫遊以聲詩相唱和歷禮部郎中貴州提學副使貴州僻處蠻方

士多弗力於學叔祺至日與諸生講說經義士知嚮方
攝司篆平山寇叔祺負才名伉直不諧於俗遂棄官歸

卜築藥湖之旁興至買棹下章江訪德甫諸名士徘徊

龍沙南浦閒弔古賦詩所著有大雅堂集林志白志

李之學方盛行海內稱詩家惟所進退元美又好為評
騰有後五子廣五子續五子末五子之目尋又廣為四

十子於南昌取兩人焉以余德甫冠後五子朱用晦
次續五子顧獨不及吉夫大雅堂集世亦罕有傳者

范汲高安人嘉靖進士歷官參政致仕歸杜門埽軌一

切不與惟以孝友敦睦訓子姓俸餘盡給親族不留以

遺子孫卒年八十四人物志

吳學詩字伯興上高人嘉靖進士選庶吉士累官山西

副使少穎敏篤學好古經史過目成誦歷仕三朝所在

令聞昭著事母最孝時上高大旱學詩作祈雨文柳冠

縞衣步率士民禱於城隍神三日甘霖如注僉以爲誠

敬所感

人物志

敖銑高安人嘉靖進士選庶吉士歷官國子祭酒贈禮部右侍郎性醇雅生平無疾言遽色應事接物婉而曲中義所當任確不可回從歐陽德講理學潛心力踐人爭賢之

人物志

況澄字仲源高安人曾祖琛永樂進士官永平教授有廉名澄能述其家學爲諸生從學王守仁嘉靖辛卯特詔拔異才澄膺選第二初知壽張縣調考城築隄興水利以耿介忤上左遷建甯教授升鳳陽通判歸屏迹公庭事關地方利病則持議侃侃郡邑咸利賴焉

府志

劉昇字子儀高安人年十九舉鄉試授臨城令廉介自

持遷通州守諸武弁貴戚占田宅者幾半民籍錦衣陸炳家奴數百以徵租爲名漁獵州縣莫敢誰何昇褫其衣冠驅出境炳深銜之使人伺其陰事卒無可乘三年以憂去後補茶陵知州惟一僕自隨尋卒於官

人物志

李偕字少峯上高人嘉靖鄉舉授大田令方下車逋盜爲亂嚴治塹堡以威鎮之歷任三載俸資外分毫無取升太僕寺丞去日民攜金帛爲贈和顏慰辭之後官至廣東兵備道平寇有功所著有李氏家藏二十四集併諸疏稿

縣志 福建通志

鄒誠字一純高安人由舉人授慈谿知縣縣多貴宦誠御以禮法無少假借民之無告者多方哺育之不忍傷焉人稱其一清僅足自存執法多可傳後卒於官

安志

劉文光字月山高安人山舉人歷官參議工詩古文與

少師夏言中翰呂柟時相倡和著霍案錄

安志

熊子臣字應州新昌人嘉靖進士以工部郎出知處州

性敏達能斷疑獄人以不冤捐修學宮集諸生肄業資

給膏火輯郡志稱善本擢雲南副使

浙江通志

黃居德字惕齋上高人倜儻有大志任靈山清河有聲

擢知邳州攝高郵有治河績將晉秩念父年九十請歸

養弗許居德曰豈可以官忘親也拂衣去督河潘季馴

爲書三知堂榜蓋知忠知孝知止云卒祀鄉賢

縣志

漆登字汝高高安人少孤事母孝嘉靖舉人授貴州永

甯知州升馬湖府同知因其俗陋加意造士捐俸資給

之麻陽寇亂協勦告捷以薦兩與蜀黔考試告養親歸

府志

傅孟春高安人嘉靖進士授常州府推官累官刑部侍郎先是北畿學臣尙操切孟春獨以寬著值有毀書院之議捐數百金贖之事定還爲書院署刑部事雪鄖撫李材之冤獲從末減生平和平易若於世油油然而中實涇渭分明有大臣之度

人物志

漆文昌新昌人嘉靖舉人授沅江知縣調繁應城升廣西柳州府同知補雲南永昌府會撤回募征緬兵八千眾兵引例索路費無厭官不能給遂鼓譟永昌城外城門閉者七日文昌單騎出城諭以順逆歷程十八日軍民無犯所過並尸祝之擢廣南知府提督迤西等處設關堡以拒緬夷初運米至緬石價至數金民不勝困文

昌冒煙瘴屯種其後石米僅三錢遠近甦息升貴州副

使推參政告歸

人物志

漆元中字維嵩新昌人嘉靖舉人初令湘鄉有主粟使者臨邑淩轢長吏漕卒橫索鄉賦人人色沮元中獨抗顏力諍以此致忤改浙江海鹽教諭當路重其賢委署

崇德桐鄉兩篆並著聲無何拂衣歸

人物志

陳汝鎬字伯容高安人早爲諸生學問淹博尤矩矱自持以貢授建陽訓導在官一年而卒爲諸生時遊白下值海瑞總憲南臺汝鎬直稱布衣上書規以止足之義海感其言卽日杜門乞休所著有周史總長短書一名

甘露園集

人物志

馮貴吉字含章新昌人幼孤事兄貴善如父初苦貧稍

拮据生業尋奮然志學以古人自期不由師傅而經史
百家靡不淹博爲諸生大有聲弟子問業者多成就爲
時用所著有雲峯集多格言

人物志

黃鉞字文叔高安人隆慶鄉舉任西和知縣清操不染
惟以詩文娛志接人溫恭有禮言論不激不隨年九十
卒有娛閒詩集

人物志

蔡文範新昌人隆慶進士初任刑曹疏忤江陵相星變
考察左遷閩鹽官擢兵部郎升湖廣提學參粵藩所著
有縉雲齋橐甘露堂集

人物志

王京字來觀上高人隆慶進士授同安知縣諳練經略
海倭不敢南犯尤加意造士倅衡陽擢守徽郡下車以
禮讓默化士民允服竟以絕交權貴致政歸

人物志

潘仕紳字以書上高人隆慶恩選初授五湖知縣招撫
流移剖劉大海等冤獄眾稱神明擢羅定知州獬獬
悍殲其渠魁餘孽斂迹讞反側疑獄二囚編氓安堵升
廣州同知葬溺屍修戰艦皆政績之可紀者

府志

范儁字國士高安人萬厯進士授義烏知縣徵授御史
時上久不視朝儁陳時政十事言甚剴切先是慈甯宮
災給事中鄒元標疏六事忤上意而儁疏適入上恚曰
向未罪元標致儁復爾當重懲之申時行等擬鑄秩帝
猶怒將各予杖是夜大雷雨明日朝天門外水三尺餘
上怒稍解乃斥爲民明年給事中張維新請推用譴謫
諸臣詔許量移惟儁不敘自是屢遷不起里居數十年

卒

白志 原案鄒范同時出國門曾健齋
亦以言被譴長安有西江三鳳之稱

范世美字敬之高安人萬厯進士授揚州府推官會僞錢恣行商賈罷市饑民以米戶閉糴執竿叫呼聚黨數千人世美適行縣聞之躬詣亂所開諭禍福羣黨立解升南京兵部郎中出守潤州潤故有織造諸羨銀又有公莊諸稅歲萬金舊皆太守公費世美悉以備賑升山東兵備副使辛卯總計天下循吏奏清苦第一

人物志

朱崇遂字竹亭高安人年二十棄舉子業篤志理學萬厯戊子瑞郡饑疫崇遂破產賑恤鄉里免流亡者二千餘家撫按將疏於朝力辭早歲艱嗣鄉人共補祈曰朱某生平善行而終絕嗣乎未幾連舉兩子朝綬朝綬皆擅才名多隱德曾孫軾自有傳

謝志

朱吾弼字諧卿高安人萬厯進士授甯國推官徵授南

京御史奏請建國本簡閣臣補言官罷礦稅不報山西
巡撫魏允貞爲稅使孫朝所訐吾弼乞治朝欺罔罪廣
東稅使李鳳乾沒奸人王遇桂請稅江南田畝吾弼皆
疏論其罪雷震皇陵吾弼請帝廷見大臣請求祖宗典
制與天下更始尋復言陛下孝敬疏於郊廟惕厲弛於
朝講土木盛宮苑榛蕪徧殿庭羣小橫中外正士困圉
園閭閻以礦稅竭郵傳以輸輓疲流亡以水旱增郡縣
以徵求困草澤生心衣冠喪氣公卿不能補牘臺諫無
從引裾不可不深察而改圖也未言禮部侍郎郭正域
疾惡嚴居己峻不可以楚事棄先是楚假王議起首輔
沈一貫陰左右王以正域請詳勘逐之去吾弼抗章申
理且言王旣非假何憚於勘遂爲一貫所惡移疾去居

三年起南京光祿少卿召爲大理右丞齊楚浙三黨用
事吾弼復辭疾歸熹宗立召還累遷南京太僕卿天啟
五年爲御史吳裕中劾罷明史

陳邦瞻字德遠高安人萬厯進士授南京大理寺評事
厯南京吏部郎中出爲浙江參政進福建按察使遷右
布政使改補河南分理彰德諸府開水田千頃建滄陽
書院集諸生講習就改左布政使以右副都御史巡撫
陝西上林土官黃德勛弟德隆及子祚允叛德勛投田
州土酋岑茂仁茂仁納之襲破上林殺德勛掠妻子金
帛守臣問狀詭言德勛亡乞以祚允繼邦瞻請討於朝
會光宗嗣位卽擢邦瞻兵部右侍郎總督兩廣軍務遂
移師討禽之海寇林莘老嘯聚萬餘人侵掠海濱邦瞻

扼之不得逞澳夷築室青州奸民與通時侵內地邦瞻
燔其巢召拜工部右侍郎未上改兵部進左天啟二年
五月疏陳四事中言客氏既出復入乃陛下過舉輔臣
不封還內降引義固爭致罪謫言者再蹈拒諫之失其
何解於人言疏入忤旨譙讓尋兼戶工二部侍郎專理
軍需明年卒官詔贈尙書邦瞻好學敦風節服官三十
年吏議不及

明史

陳邦科字雋卿高安人萬厯進士初知江都縣擢南御
史首陳十事次請建儲又申救彭遵古顧允成諸壽賢
三進士之濫黜訴李中丞材之誣獄按部江上賊挾貧
民稱亂疏請寬賦以摧其黨守保甯河閒尤多惠政會
有東倭之警上議倭寇屬國天津隸海門戶條備禦十

餘事多奇中年四十六卒於官有片玉集

白志

敖文禎字嘉猷高安人萬厯進士選庶吉士授檢討累官禮部侍郎教習庶吉士再進講幃以足疾求假不獲請復日進講義遂不起贈禮部尙書諡文穆文禎立朝不苟詭隨禮臣請卹稱其一意清修恥由捷徑蓋實錄也

人物志
府志

胡大成字集化新昌人弱冠舉春秋魁萬厯進士授陳州知州賑荒大得民心以忤上司調四川潼川州戊戌外計撫按舉卓異權人竟中以拾遺歸里杜門讀書者二十年疏食布袍泊如也以哭父成疾卒

人物志

曹汝蘭字斯馨上高人萬厯進士授江津知縣行取南御史天啟初首進保護聖躬疏報聞又條議舉刺大體

不過激不苟同在鄉時議建社倉津北糧解闔邑賴之

府志謹案安白兩志作曾汝蘭謝志作曹汝蘭題名碑曹汝蘭萬歷丁未進士當從謝志

況于梧字汝材高安舉人授天長知縣數月政聲鵲起
調繁儀真時苦淮水泛溢大爲河患遂條陳開便河修
築高家堰升嘉興府判以河工未竣題改淮安竟厥功
居民號況公河功成升邵武同知

人物志

陳元琛字仍玉高安人以貢任南康府訓導督學略日
升聘主白鹿洞倡明經術多士景從咸謂江右徵君章
潢以後一人遷建昌教諭從遊講學者益衆升汀州府
教授致仕家居讀書疏水自樂學者稱見南先生

人物志

陳邦儀字開甫高安人與兄邦屏弟邦瓚俱工舉業有
名庠序邦儀尤篤志自勵族兄大司馬邦瞻亟稱之八

入鄉闈不得志遂肆力於詩歌晚益瀟灑自得有陶元亮之風所著有彈劔草

謝志

范世芸字陽華高安人幼有至性稍長以古人自期內行淳備宗黨無閒言里人陳邦瞻教文禎早以學問相友而見解強記每推讓世芸及二公貴終其身無交利屬子之私士論高之晚以貢謁選授廣東始興訓導善造士有蘇湖之風尋解歸

人物志

馮文盛字士蒙新昌人萬歷舉人署新建教諭知高苑縣升南大理評事轉寺正持大獄毫無阿徇出知廣南府撫按廉其品委署大理府文盛爲革宿弊不受一錢人多其介丁艱補岳州府治濱洞庭多盜悉心防護民賴以安擢貴州兵備副使楚中忌者有言遂抗辨歸

人物

志

趙應選字太初新昌人萬厯進士筮仕甯陵薦剡累牘
僅主繕部政管理兩宮皇城等工費省功倍璽書褒嘉
轉副郎督臨清磚廠轉都水郎督淮黃中河疏淪隄防
河流安其故道升山東憲副提督七省糧儲府志

王蔡字宗盛高安人與弟莘同舉萬厯壬午榜授沭陽
教諭分典蜀閬擢令麻陽廉介有聲獠苗讐服府志

胡用賓字其佐新昌人生而廣額豐頤氣度偉如初就
塾卽以聖賢自期許爲諸生構舉子業發明道術不作
流俗語以求合於時尤斤斤於義利之際還遺金拒奔
婦卓有操守平居澄神默坐胸中空洞不著一物久之
靈慧漸露見人動止文字卽能定其終身以子觀察貴

贈中大夫

蒼霞
草

鄒維連字德耀新昌人萬厯進士授延平推官耿介有大節行取授南京兵部主事進員外郎遼左用兵疏陳數事尋以憂去天啟三年起職方郎中刑部主事譚謙益薦妖人宋明時能役神兵復遼左地魏忠賢陰主之維連極言其妖妄海內方用師將帥賄進職方尤亢穢維連素清請寄皆絕因極論債帥之弊譏切中官大臣吏部尚書趙南星知其賢調稽勲郎中時言路橫恣凡用吏部郎必咨其同鄉居言路者給事中傅櫬陳良訓章允儒以南星不先咨已大怒共詬辭維連及維連調考功櫬等益怒交章力攻又以江西有吳羽文例不當用兩人迫羽文去以寤辱維連維連憤拜疏求罷即日

出城疏中以章惇攻蘇軾蔡京逐司馬光爲言惇等愈
怒惇遂顯攻魏大中左光斗以及維連自是朝端水火
諸賢益不安其位矣維連欲去不得詔留視事乃嚴覈
官評無少假借楊漣劾魏忠賢被旨切責維連抗疏略
言忠賢大奸大惡罄竹難書今陛下以太阿授忠賢非
所以爲宗社計疏入責其瀆奏及趙南星去國維連願
與俱去忠賢卽放歸無何張納劾南星追論維連調部
非法詔削籍復構入汪文言獄下吏戍貴州崇禎初起
南京通政參議就遷太僕少卿疏陳卜相久任納言議
謚籌兵五事擢右僉都御史代熊文燦巡撫福建海寇
劉香猖獗遣遊擊鄭芝龍擊破之海外紅夷據澎湖挾
互市後徙臺灣漸泊

白志
誤迫

廈門維連屢檄芝龍防遏之

不聽明年夏芝龍勦賊福甯紅夷乘間襲陷廈門大掠
維連急發水陸進芝龍亦馳援焚其三舟官軍傷亦眾
寇乃泛舟大洋轉掠青港荆嶼石灣諸將禦之銅山連
戰數日始敗去維連在事二年勞績甚著會溫體仁雅
忌維連而閩人宦京師者騰謗於朝竟坐是罷官八年
敘卻賊功召拜兵部右侍郎遭疾不赴卒於家

明史

戴九元字大圓新昌人萬厯進士厯知棗強臨安會稽
文安四縣升工部員外尋歸杜門吟詠所著有工部稿
匡山社集酒人遊饑驅草陸沈集落花吟十餘種天啟
中給事魏大中忤逆璫斃詔獄卽九元所取士也卒祀

鄉賢

府志

胡維翰字良甫高安人萬厯鄉薦宰泰甯鄆西二邑皆

有惠政性剛毅不能委蛇隨時竟拂袖歸里閉門謝客

親授經於子若孫甘守清貧以壽終

府志

陳儒字鑑偉高安人

安志作原籍新建

萬厯進士知潞安府改

建長治學創書院與紳士會講多所發明又置學田修西城水牖以備蓄洩擢山西憲副值歲侵郡邑多盜單騎往來撫輯輒解散官至雲南參政卒年八十餘有文

集二十卷

山西通志吳甘來傳

陳如綸字元泉高安人萬厯恩選就竹山令有善政苦節自持竹山人士尸祝之念母在堂乞歸事奉克孝至老不衰林泉二十餘年與老宿結社吟詠年九十終

人志

馮士元字廷對新昌人生而穎悟嗜學不厭諸生時每

試輒冠首兩中省闈乙榜以貢司訓靖安升河南府教授解官歸與二三昆季色養北堂吟詠自適著有測史

牘語孫垣登崇禎庚辰進士授御史死闖賊難

人物志白志

舊案吳邦策國變錄被賊夾死者凡七人馮垣登其一也

吳甘來字和受新昌人父之才西安府同知甘來與兄泰來同舉鄉試崇禎改元甘來成進士授中書舍人後三年泰來亦成進士授南太常博士甘來擢刑科給事中忤直敢言戶部尚書畢自嚴下獄抗疏救之帝重法繩下朝士坐大辟者累累甘來疏請停刑蕪湖設關商舟多覆沒甘來請罷征西北大旱疏言秦晉閭人相食父子兄弟不相顧陛下發粟以賑猶恐被澤者少乃山西難民半爲總兵官張應昌等殺以冒功中州諸郡畏

曹變蛟兵甚於賊臣實痛之又言封疆之罰武與文二
內與外二士卒與將帥二受命建牙或速或逐以封疆
罪罪之而跋扈將帥罪狀已暴止於戴罪偏裨不能令
士卒將帥不能令偏裨督撫不能令將帥將聽賊自來
自去誰爲陛下翦凶逆者帝納其言爲下令中飭憂歸
服闋起吏科進兵科右給事中乞假歸十五年起戶科
都給事中列上練兵足餉十事一日帝詰戶部尚書倪
元璐餉額甘來元璐門生也進曰臣科與戶曹表裏餉
可按籍稽臣所慮者兵聞賊而逃民見賊而喜恐不特
無餉之患宜急輕賦稅收人心帝領之賊薄都城時兄
秦來已官禮部員外郎甘來屬歸事母而已誓必死明
日城陷有言駕南幸者甘來曰上明且決必不輕出乃

疾走皇城不得入返作絕命辭畢盡取疏草焚之曰當賊寇縱橫徒持議無益毫末留之釣後世名罪彌大耳正衣冠北向拜投繯死南都贈太常卿諡忠節

國朝賜諡莊介

明史
白志

陳泰來字剛長新昌人崇禎進士由宣城知縣入爲戶科給事中十五年冬都城戒嚴陳戰守數策總督趙光祚言泰來與同官荆祚永素晰邊情行閒奏報宜敕二臣參預報可泰來又自請假兵一萬肅清犴轂帝壯之卽改授兵科出視諸軍戰守方略至軍中奏界嶺失事狀劾副將柏永鎮論死遷吏科右給事乞假歸福王時起刑科左給事不赴唐王擢爲太僕少卿再擢右僉都御史李白成敗走武昌其部下散掠新昌境泰來大破

之初益王起兵建昌秦來欲從之同邑按察使漆嘉祉舉人戴國士持不可已而新昌破國士出降秦來惡之會上高舉人曹志明等兵起秦來相與結復上新昌甯州殺國士妻子遂取萬載新昌再失秦來走界埠志明等從上高移軍會之兵敗俱死

國朝賜諡忠節

曹志明上高人舉人起義兵佐陳泰來攻撫州兵敗死之

國朝入祀忠義祠

聶棟舉人李維楨晏揚勲武舉
王平東黃模晏沚起兵戰敗死

熊維容字子和新昌人崇禎末流寇入境父爲賊執維容奔救抱父頸哭賊刃其首血滿地不去乃釋之後居

父喪賊突至維容撫柩哀痛賊亦感泣不相犯母歿廬墓三年先是兄弟異爨多不給復合之更爲置田宅所

居門外樹有雁巢往來自若人稱雁門長者

府志

袁一修高安人任四川遵義衛經歷值奢酋作亂一修

督兵沒於陣總督朱燮元奏卹之

安志 白志 舊案安志 孝義傳 尚有高安

吳勳朱達善吳一拘朱繼德朱吉善況子杞袁文煥弟文道文謨又有新昌劉用惠熊邵繼漆公範劉凡正諸

人附錄姓名於此

漆園字劒潭新昌人崇禎進士知福清縣著廉聲以剿

海寇功優擢旋丁內艱後補寶坻調繁密雲撫按會薦

行取癸未遭外艱歸

白志

梁維新字鍾石高安人崇禎鄉薦授遂甯知縣中途聞

閩賊陷都城去抵任而返隱居銅湖卒

白志

漆嘉祉字受百新昌人崇禎進士二歲失怙依寡母爲
命比成名以母節上聞得旌如例除順德令廉明多善
政改潮陽海山原誤寇劉香掠城堡多方捍衛賊不敢逞
擢雷廉道以母老乞歸丁亥邑侵散粟賑饑鄉人德之

崇禎
錄

黃

謝志
誤王

國琦字石公新昌人崇禎進士授建陽令政尙

寬仁歲侵捐俸建倉積穀以備賑鄰邑浦城巨寇數萬
剽掠三省國琦時攝浦事用奇計降之兩舉卓異調山
東滋陽甲申二月莊烈帝召對稱旨特授吏科給事尋
以母病辭後終身不仕僑寓金陵年七十八卒

縣志

國朝

劉欽鄰字鄰臣新昌人順治進士知廣西富川縣吳三

桂變粵西將軍某脅州縣應之欽鄰獨守孤城不從逆
未幾城破執欽鄰械至桂林誘以官爵不屈囚於獄賦
絕命詩自盡總制金光祖奏

閩贈太僕卿諡忠節

救賜祭葬

府志 縣志 謹案
欽鄰之諡謝志未載

朱家繩字季直高安人穎異博學爲文下筆立就順治
鄉試本房提元以名第不肯居次甯置副榜後以應貢
先期卒著有義山集藏於家

白志

朱極光字竹坡高安人崇遂之孫幼孤食貧藉館穀以
養母承色笑如嬰孩拮据甘脆不令母知困憊狀性儉
樸而敦厚平生無疾言遽色雖犯不校子軾通籍後立
宗祠置祭田敬祀事刊譜系恤貧族修家墓之無主者

葺道路梁筏之傾壞者汲汲行善人以爲克繩祖武云

謝志

陳世階字小房高安人邦儀孫家學淵源天資穎異早入邑庠性至孝晨夕膝下不忍稍違三十年如一日著

有緝翠園存稿

白志

李淩漢字天章上高人順治鄉舉博極羣書殫心著述選授河南孟津知縣不就築似園以供吟嘯

府志

熊坊字嘉會高安人順治閒歲貢官蒼梧知縣以循良

稱擢常州通判贊理漕政纖塵不染人多稱之

府志

鄭士喜字賡生上高人順治初寇據縣城士喜與黃興恩戴重光沈本濟鄭武陰結勇士以計禽之閒道解郡越日官兵至賊已就滅一城獲全大吏錄其功卒與興

恩諸人同祀忠義祠

府志

謹案府志原稱順治初元張獻忠遣僞職據縣其時獻忠已

入四川並無餘黨在江西當是土寇據城耳今改正

吳以策字對臣高安人博極羣書甲申難作聞吉水李

邦華同郡吳甘來殉節都城爲文哭之白是屏絕毫翰

伯兄某以丹術致疾穢不可近以秉朝夕扶持親爲澣

滌晚年喜讀左氏春秋鄉居數十載足迹不入城市卒

年七十六臨川李紱表其墓

府志

舒宏緒字芑孫高安人明諸生工詩一時名輩咸推之

屢試弗售恣遊吳越間後客皖江死

白志

胡甯字一菴高安人甘貧力學明崇禎鄉薦受知於馬

世奇甲申世奇殉難甯傷悼誓老邱壑年八十終

白志

劉九嶷字岳生高安人明崇禎舉人甲申之變薙髮國

蓮寺易名性槩築潔菴於城南復築慟城志所歸也天

才奇放晚年究心性命之學著有髮聲存年行世

白志

熊翼字羽成高安人副貢生少孤事母至孝家貧力學

及長貫通經史下筆千言時稱名儒設教筠南名卿士

半出其門

府志

朱珊字玉樹高安人康熙進士改庶吉士散館授兵部

出爲河南歸德知府政簡刑平生平無疾言遽色工書

畫善琴解組歸里閉戶著書卒年七十七

府志

任際虞字唐臣上高人康熙進士改庶吉士散館授檢

討雍正二年典試雲南識拔多知名士際虞以儒術起

家砥礪廉隅刻苦如寒士泊卒家具蕭然子文瀾孫德

明並舉人

府志

徐日暄字潤友高安人康熙進士改庶吉士累擢國子祭酒典順天山東鄉試得人稱盛晉少詹文章氣節推重一時人以舒梓溪鄧文潔方之日暄學有本源嘗曰未靜宜主敬既敬自生靜得濂溪主靜之旨卒祀鄉賢

府志

朱軾字若瞻一字可亭高安人康熙進士改庶吉士授潛江知縣有惠政以清慎著行取刑曹督學陝西表章橫渠之學以禮教變化氣質關中正學大明康熙末巡撫浙江以察吏維風爲急務獎廉懲貪黜奢崇儉風俗丕變尋遷左都御史雍正初元遷吏部尙書三年拜文華殿大學士時

世宗銳意圖治綜核名實軾直南書房日侍左右因益知四方

疾苦人材賢不肖嘗奉

命督賑山陝還奏天下倉儲虛耗請飭督撫令所屬買補缺額
爲荒備從之雍正末諸省大吏奏墾荒地多核張失實
而四川廣西河南爲甚

高宗初卽位軾力陳其弊請豁除新增稅額又以法吏嚴刻請
諭有司讞獄須揆度情理協於大中初撫浙江時條陳
修築海塘六事民賴以安及爲吏部尙書再赴浙督修
海塘建議堅築高原釘椿種樹工程甚固嘗隨怡親王
共治畿輔營田水利殫心營度規畫甚周旣總理機務
益毅然以天下爲己任凡型方訓俗濟物利人無不本
其所學施於政事年七十二以病卒於位遺疏略云國
家萬事根本莫如理財用人臣核國儲經費綽然後有

言利之臣倡議加增乞

聖朝嚴斥至於用人邪正公私幾微之際尤易混淆在審擇君子小人而進退之慎之又慎此臣垂死時芻蕘之獻也奏上

上震悼輟朝賜葬祭贈太傅入祀賢良祠諡文端

府志
縣志

陳守創字業侯高安人十歲有神童之目康熙進士改庶吉士散館授直隸高陽知縣值奇荒請發粟以賑格於上官慨然矯檄發之民始得生高陽旗地舊徵地租後并及廬舍訐訟累歲守創曰焉有人耕地而露處者乎於是廬舍永不入稅治高陽十三年多善政薦知大興以憂歸服闋爲朱軾所舉授江蘇常熟縣民歌其清行取倉監督遷工科給事中調中南倉監督時

世宗方在潛邸會查倉見守創敝筭布被食僅菜粥以守創爲賢不踰月

世宗嗣位擢順天府尹尋授倉場總督兼戶部右侍郎守創剔弊除奸詳載定典至今丁免追呼運無遲誤皆其力也以較閱會試迴避卷值夏雨連縣米粒滲溼落職賠補估產僅四百三十金有奇乾隆初元再起爲順天府尹守創兩尹京兆正已率屬清操勁節老而益堅尋遷左副都御史以老累疏乞休卒年七十有九

府志
縣志

毛豸繡字憲秩高安人康熙鄉舉官祁門知縣旣莅邑諭其文教寢衰親爲講買人士蔚起居官三年冰蘖自矢安良善戢奸宄不遺餘力大吏方議薦舉卓異以憂歸服闋謁選卒於京柩過江甯祁門人號泣會弔者不

遠數百里而至

府志
縣志

潘述祖字紹衣上高人康熙進士改翰林院庶吉士授檢討供奉南書房忽得疾卒時論惜之述祖性沈粹嚮學甚摯幼授書於母嚴氏母卒哀毀如成人事繼母以

孝稱

府志

毛渾字元厚新昌人康熙閒拔貢生父達順治進士平陽推官折獄多平反累官吏部郎中典試廣西號稱得士父卒渾扶櫬歸葬值山寇蠭起方哭於墓賊擁渾以去渾瞋目罵賊怒將殺之有舊受渾恩者夜半縱之逸時兩廣總制傅宏烈渾父執也走謁軍門宏烈奇其才留之幕府以功授上林知縣民有爲豪吏誣陷者撫軍某欲置之法渾力爭撫軍叱左右揮去之渾以頭觸柱

幾死復甦秩滿升廣德州知州內擢刑部郎中出爲貴州思南知府終以不善事上官免歸渾工詩嗜酒有詠

梅詩百餘首卒年六十七祀鄉賢

府志縣志

朱守誼字正叔高安人邑諸生父超倣舉人能文章座主徐元文賞之目爲南州一士守誼篤友愛和平樂易鄉里稱善人大學士軾其族人也深重之軾爲其子必坦行冠禮擇有德者爲賓時貴客盈座不知誰屬軾獨以束帛與馬迎守誼或訝之軾曰吾欲孺子師公範也年七十五無疾端坐而卒

府志

吳易峯字方泰高安人雍正鄉舉以明通除興安學博尋由揀發知縣補知太湖時苦水患易峯相度機宜督夫疏築是謂西河更闢熙湖書院以育人才居官崇簡

易嘗額廩事曰民近聽獄以德感至有自恥不終訟者
歿後縣人立祠祀之

府志

晏命世字覺先上高人爲學精深夙有文譽雍正進士
官貴州印江知縣興利除弊一本經術課諸生爲程文

士論推服

府志

傅崧字松山上高人拔貢生爲人磊落負大志凡事關
名教必身任無所諉學師某與縣令忤令借事中之崧
代師對簿卒得直晚年掌教義塾士爭欲出其門

府志

黃光岳字聚生上高人雍正進士春秋試並以五經獲
雋選授浙江甯海知縣多惠政閏六年遭母喪總督李
衛奏請留督塘工服闋權蒞谿旋補金華縣民以帶徵
爲累光岳勸士紳集金代輸民爲作頌庚吟來暮歌以

寫德意年七十卒於官櫬歸哭送者百里不絕子克顯

字去非拔貢生由教習揀發四川知縣歷官至打箭爐

同知化行徼外行取主事官工部郎中卒

府志
縣志

龔夢晨

縣志作
勛振

字寅亮新昌人雍正鄉舉工文與周學

健帥念祖潘安禮齊名稱四傑嘗就聘江南同考官

府志

吳學濂字遜周高安人歲貢生官臨川訓導擢知新陽

縣事察民疾苦請豁新荒田畝賦稅調知溧陽開河築

隄救荒課桑百廢具舉邑紳大學士史貽直禮部尙書

任蘭枝皆爲文紀其事卒於任

府志

吳瑗字豐玉高安人諸生能文章屢試弗售嘗遊京師

鉅公名流爭相引重瑗不事逢迎遽拂衣歸晚尤喜陸

氏之學謂其識見超朗議論簡直直接濂洛一派易贊

之夕諸子弟曰讀書數十年苦於道未有見惟此心稍不放逸學問之道無他汝曹勉之臨川李紱表其墓

府志

胡緯民字武孫新昌人淹貫經史長詩古文詞任龍泉

進賢教諭巡撫薦舉鴻博辭不赴因聘之撰十三府圖

說江西理學源流考性至孝館他鄉必闕時歸省垂老

遇忌日如初喪

府志

陳洪淡字永公高安人歲貢生性孝友就家塾見宋史

范仲淹傳喟然歎曰士君子讀書必如是方不愧聖賢

種子既補諸生屢試不遇刑部侍郎王紘薦舉博學鴻

詞試日疾作書卷未畢而出

府志

朱必堦字玉墀高安人軾子以蔭授戶曹出守天雄羣

臣以必堦大學士子引嫌未有保舉軾亦具奏懇辭

上悉其故曰朕自保之至天雄政簡刑清士民悅服先是直省風俗父母歿延道釋晬經或舉優觴延客必堦惡之喻以大義俗乃易厯晉右通政憂歸服闋補太常寺卿升大理寺卿引退家居不事干謁或詢及政府輒不應卒年七十弟璵字聚五乾隆進士改庶吉士授檢討累晉侍講學士分校禮闈得士陳筠張素鄔昇皆一時勝流璵生平飭躬端謹風節凜然告歸卒於道

府志
縣志

吳琇字秀玉高安人生而聰慧九歲能文以選拔貢成均舉孝廉方正弗就乾隆元年成進士公卿重其名有欲爲薦舉者笑而謝之歸里杜門著述爲文宏博淵深詩尤大雅遠近就正者踵相接子學瀚字廣思山舉人聘充江南同考尋奉截取觀政刑部雍正中成進士改

庶吉士師事桐城方苞臨川李紱文有法度爲同輩所推服淡於進取乞假隨父歸遂不出卒年九十

府志

毛鴻遠字書雲新昌人拔貢生候補中書學識明敏爲文章縱橫馳騁浸淫於漢魏六朝之間嘗於屋旁闢隙地結茅蒔花築虛白樓日與諸名宿賦詩飲酒其中舉賢良方正不赴以疾卒弟熊夢字渭師性沈默刻苦著書亦能詩

府志

劉大成字先已新昌人乾隆進士居鄉廉正事繼母以孝聞選授湖北竹山縣下車甫閱月值枝江宜昌教匪爲變竹山故無城防兵先期調去賊猝至守具未完大成奮然曰吾官斯土與存與亡分也率鄉勇據險剿賊力竭佩印綬北向自盡事

聞卹賞祭葬如例祀昭忠祠

府志
縣志

雷寅字東甫高安人乾隆鄉舉著述繁富士林引重時

詔舉經學郡縣索書以進赴試卒於道

府志

丁德嘉字二宜高安人副貢生以州判歷知雄縣事果
決有政聲後權沔陽州知州西南新隄苦水患舊隄多
衝決德嘉相機宜出貲補築稱丁公隄沔民好訟理積
牘懲勸並摯不數月俗頓革士民戴之去日行李蕭然
補安陸令權知江夏雲夢皆有治績卒年六十九

府志
縣志

志

黃士績字繼先上高人光岳孫拔貢生官江蘇縣丞俸
滿用知縣歷權寶山鎮洋從容布理處之裕如初士績
爲鎮洋丞旁邑嘉定寶山游饑無食者眾姦民煽亂令

倉卒走上官議用兵先使士續奉檄解散士續至宣諭使各歸農行且給賑脅從既散乃廉得其魁繫之上言民安堵不足用兵全活甚眾服官二十一年不名一錢其卒也大吏爲歸其喪

府志
縣志

晏善澄字準吾上高人博通經史詩文書畫並有著稱乾隆進士選知崇陽縣調任孝感縣西濱湖歲清明士女踏青百戲具陳遊觀累日善澄惡其冶游爲後湖曲

以示戒其風遂革

府志
縣志

張深字翔南新昌人乾隆鄉舉官龍泉訓導家貧力學造詣深醇詩古文卓然成家

府志

熊璟崇字玉輝新昌人乾隆鄉舉權知山東香河縣才識超拔學問明通於史學尤淹博趙佑嘗稱之

府志

吳居闕字助懋高安人乾隆進士官安徽含山知縣留心民隱事無鉅細必親體察胥吏無所上下其手與賴子王元仲鬻族姪於某年餘姪遁歸復誣某殺姪事無左驗恐姪在爲某覺竟自殺之居闕鞠得實置之法

府志

志

縣

李騰華字實初新昌人郡諸生性耽經史以詩賦古文著稱應乾隆四十九年

召試

府志

吳學山字靜思高安人歲貢生由教習選霍山知縣操已嚴重莅官清惠霍故僻壤科目寥寂學山下車慨然曰人文無盛衰顧作新者何如耳季課月試優其餽給暇日爲說經義士乃咸知嚮學科目接踵人稱百三十

五年來盛事壽州水災勘者與州牧隙以不成災告學
山覆勘得實請開倉以賑上官未之信親勘如學山言
允其議楚匪作蔓延院省學山悉力搜捕以次就獲而
釋其無辜者兼攝英山六安州篆所至有聲以養親乞
歸子大生字履祥由歲貢官直隸廣宗知縣累遷至雲
南同知以廉能詳慎稱

府志
縣志

吳煥章

縣志作
煥章

字慶雲高安人太學生官柳州經歷廉

能有聲權知上林縣邑有以壻貧悔婚者訟數年不解
伺煥章至賂以金煥章姑應之集兩造於庭責悔婚者
胡以貧故易盟出所賂予其壻令即日成禮觀者稱善
致仕卒年七十一大理寺卿張鵬展爲之傳鵬展煥章
宰上林時所取士也

府志

劉友瞻字紹長高安人諸生敦孝友謹言行學以性理近思錄爲宗嘗謂小學一書是吾儒立腳處又謂功令以經義取士須從聖賢分際確有體認方能發爲文章科舉之學卽心性工夫也平生好行利濟嘗傾囊以完鬻妻者卒年八十五

府志

羅奎字西木新昌人諸生博極羣書多所著述尤深性理融貫程朱之學嘗輯諸家講義條分縷析以定其精

粹曰四書名言

府志

熊赤五字石齋高安人性甘淡泊無意仕進於近廬山椒得巨石高廣數丈鑿爲生壙構石亭其上司馬筮遊青蓮寺聞而過訪作詩以銘之

府志

沈敦美字德昌上高人襟懷瀟灑超然塵表知縣易道

沛題其廬曰竹溪隱逸

府志

劉宣猷字辰遠新昌人嗜學不求聞達閉門謝客每以陶彭澤自況吏部主事徐謙爲之傳

府志

徐必模字楷士高安人服賈義甯州州多山險無賴子挾妖術嘯聚人情洶洶必模爲團練防禦一方以安有大姓家三十餘口眾以爲匪黨欲攻之必模諗知其非爲力白亦獲全

府志

蔡孫薦字次文新昌人五歲喪父寤寐間作呼父聲就外傳每泣曰吾獨無庭訓邪母以哭泣成目疾舐之輒愈家故饒布素踰寒士或詰之曰孤子當室不純果有勸之仕者不應母好施與孫薦曲體之母卒廬墓三年哀感路人父墓在龍洞山深林多虎孫薦廬於側卒無

患大吏奏請

旌表萬廷蘭爲之傳

府志
縣志

何世仰高安人家貧竭力奉親父母病兩刲股以療及

歿廬墓三年里巷稱爲孝子

府志

朱辨高安人事父母備極色養承顏順志有古孝子風

母張患氣疾侍湯藥歲餘晨昏不怠母卒終制不入私

室服除設主淨室飲食必薦而後嘗父卒亦如之

府志

洪變字贊卿高安人邑諸生父以客死變走千里扶襯

歸哀毀骨立性不佞佛著有闢異傳暮年營一圃號愧

叟優游以終

府志

幸禹謨字敷文高安人氣質端嚴起居循禮性至孝父

嘗迫於虎驚呼禹謨虎遁去人以爲孝行所感生平樂

善好施至老不倦

府志

李光遠字日非

縣志作非日

上高人諸生性至孝母死卜葬

末山麓人迹罕至光遠築室墓旁獨居三年時稱純孝

府志

羅景淹字錦章上高人生有至性歲餘喪父比長事母

維謹母歿廬墓側朝夕哭一日自外至見母坐苦塊間

急前呼母忽失所在人謂至孝所感

府志

蔡啟沃字紹傳新昌人孫薦子性至孝比長枕菲經史

尤喜忠孝二經嘗曰忠孝吾寶詩書吾田因自號曰寶

田親歿廬墓以哀毀卒熊軾爲之傳

府志

胡傳焜字秋伯高安人幼失怙恃事後母以孝聞性豪

逸不事產業與同里朱子珊友善子珊卒於晉傳焜聞

訃走數千里扶其骨以歸

府志

熊維西字文侯新昌人監生侯選州同知好施濟人德之遊義甯州銅鼓營至江頭值山水驟落舟不得上行旅病之維西倡修石橋經營四載乃成閱十二年橋圯復力成之分五墩以通水勢題名曰萬福橋義甯人德之又於本邑芳溪建萬年橋於所居水口建萬述橋卒年八十一

府志
縣志

劉應葆字位立新昌人孝友樂施邑中有所興築輒出貲以助尤厚於族立義學置祭田嘗游市廛有僧遺百金去市人疑應葆物問焉因僞應之俟僧至以原金還之又工醫活人無算年逾九十卒弟份汪亦以好善聞嘉慶閒應葆兄弟並奉

旌表府志

熊如洵字少泉高安人父中砥乾隆進士山西陵川知縣在官十有三年士民依戀不忍其去如洵嘉慶進士初選廣西武緣知縣改官浙江歷知武義餘姚縣事威惠並著士民安之以母喪歸出補河南新鄉課士勤摯鄰邑聞風嚮慕成就卒業遷蘭陽縣值大水後城郭田廬土陷沙壅蕩析離居戶不滿百如洵撫卹周至流亡尋集升光州知州卒兄如澍進士吏部主事浮沈卽署三十年無所營謁弟如泌舉人

府志縣志

蕭元吉字象占高安人嘉慶鄉舉由臚錄議敘知縣初選浙江松陽調河南唐縣在官七年振興水利垂法久遠升許州知州休養生息培植深厚以治河功擢知河

南府量移陳州卒於官元吉性闊達與人無城府故在官皆得久於其任意所設施入祀名宦祠從弟淦道光乙未進士四川射洪縣知縣有政聲以親老乞養歸不復出子浚蘭字儀卿道光進士改庶吉士授編修歷御史累擢至雲南布政使兵起道阻未之任部議罷職旋以軍功

賞四品頂戴并還花翎浚蘭天性孝友敦尙氣誼博聞強識熟於掌故之學嘗典試湖南稱得士年五十二卒於家

府志
采訪
事實

徐驤一名湘字葑生高安人爲文縱橫馳驟不屑於科舉之學嘉慶進士改庶吉士爲大學士彭元瑞戴均元所器賞散館授知縣選知廣西融縣調臨桂桂吏議歸

驥既不得志於仕宦益枕肱經史詩文力摹魏晉嘗著

紅豆山房詩晚年無子著述盡散軼府志

李祖陶字欽之上高人八歲而孤母苦節撫育嘗織布
命祖陶赴市易棉與鹽祖陶市棉舉餘貲購書歸告其
母母謂兒嗜讀書吾淡食不厭也既長遂博綜羣籍流
覽百家嘉慶十三年舉於鄉九上春官不第絕意進取
生平足迹幾半天下壯歲討論文史晚乃究心政事兼
治兵家言深非北宋以後無文之說謂文無古今惟得
神解者爲貴晚築尙友樓藏書數萬卷寢饋其閒卒年

八十三府志

朱樂字冕玉高安人嘉慶鄉舉以詩文受知提學汪廷
珍稱爲江西一人銳意著書俯視俗學尤留心文獻勤

於表章採耆舊撰著二百餘種爲石室叢書又輯江西詩話豫章經籍志皆足補史志所未備始爲諸生以救友人忤郡將公車過淮值河決作詩十八章流播京師道光十一年江西大水饑民聚沙井待賑者數十萬人死亡相枕樂作沙井行以刺當事當事懼亟命散賑全活無算然以是憾樂欲掎摭之卒得解侍郎黃爵滋和樂爲江西詩俠年六十三卒弟振本字備萬道光舉人以書畫著稱

周志 縣志 黃爵滋撰墓表

蔡學川字百泉新昌人嘉慶進士改翰林院庶吉士散館授編修累官兵科給事中嘗奏請嚴濫舉幕友之例擢湖南岳常澧道長蘆鹽運使旋調兩淮除釐政積弊緣事左遷以六部主事用

府志

邢福山字伯衡新昌人嘉慶進士改庶吉士授編修累
官大理寺卿宗人府府丞典試廣東充會試同考官張
文毅芾袁端敏甲三皆其所得士府志
賈獻珍字越來高安人優貢生

仁宗辛五臺山獻珍以策賦進錄其名道光辛巳舉北闈由教

習官山西夏縣知縣以剛正著旋補左雲調大同府志

鄭秉恬字性和上高人道光二年一甲二名進士授編
修散館改山西五寨知縣歲大旱禱縣南蘆茅山山徑
陡絕秉恬徒步上爲民請命歸途雲霧翕集未及城大
雨如注權呼夾道量移曲沃曲沃故山西劇邑號難治
秉恬至修治城郭俄趙城告警列郡戒嚴而曲沃繕守
素備賊不敢窺以憂歸不復出秉恬天資卓越詩文消

縣府志

之學訂正江氏金水二星之誤爲定用歲輪算金水行

淵讀其文蓋周宣王旣敗玁狁銘功而作日月同而紀

賸慶鋪歎服官湖北遠安知縣縣處萬山中民俗獷悍

喪去職起山東長山知縣甫莅任卒子壽朋字魯駘道

縣志

進取嘗爲瑞芝賦南豐湯斯祚稱之

志府

朱瀚字寅菴太傅軾之裔父景華舉人山東日照知縣
禱於瑯琊山生瀚既長以世襲騎都尉歷官湖南沅州
協副將粵西賊起向榮檄至軍中與賊戰象州界嶺占
磨黃袋諸嶺大破之追及武宣之莫邨以病歸明年賊
犯長沙駐軍金盆嶺發巨礮斃其酋賊敗去旋入守南
門賊以地道轟城者四隨方禦之相持八十晝夜賊計
窮而逸上功

賞花翎兼理長沙協副將權永州總兵賊屢犯城瀚守禦嚴卒
不能逞以解全州圍加總兵銜咸豐七年卒沅州瀚通
文學能爲詩著有小滄溟館集

府志
縣志

劉宗元字善徵新昌人優貢生以教習分發貴州知縣
委署長寨同知賊屢圍城宗元率士民堅守逾半載外

援不至城陷猶持短兵接戰且鬪且罵遂歿於陣事

聞贈道衡建立專祠府志

諶汝楫字濟川高安人以經世自期咸豐初賊陷瑞州劉騰鴻自湖北來援軍餉匱汝楫首助千金騰鴻與語奇其才留襄辦營務擊賊屢勝七年戰陰岡嶺汝楫爲軍鋒賊敗退從攻仁濟橋礮臺克之遂復瑞州騰鴻卒其弟騰鶴領其軍移剿吉安賊汝楫獨領後營駐螺山下賊至輒敗之累擢知縣明年諸軍攻吉安益急賊以大筏撞浮橋橋斷遂乘流下駛汝楫追至三曲灘殺賊三百餘人復由峽江新淦追至豐城焦坑賊竄山林中汝楫搜之忽中礮子踣復躍上馬手斬數賊而殞騰鶴大慟曰是斷吾右臂矣事

聞贈同知子世襲雲騎尉

府志忠義錄

鄒中傑原名守仁高安人監生從父賈楚南積貲致富好行善事縣中舉團練推爲都長咸豐間賊踞瑞州中傑以錢三百緡助劉騰鴻軍餉諸富民繼之軍得不飢敗臨江竄賊授六品頂帶十一年賊再犯高安中傑微之於鈞山賊走追至毛家邨遇賊援諸生張之杰戰死軍遂敗賊踵至其家執中傑烙以火罵不絕口賊以油絮裹而焚之聞勇緒以護等八十餘人婦女五十餘人

同時殉焉

縣志忠義錄

盧履泰字衢吉新昌人以城工敘八品銜咸豐五年賊竄新昌國丁擊卻之十一年春降將李金陽所部通賊復擾新昌距縣城四十里履泰謀乘賊初至挫其銳遂

分南北兩路夾擊之並約上高人會勦四月朔自領隊
出南路敗賊於埭口北路別部亦敗賊於大唐錄口羣
賊皆遁履泰乘勝追之賊斷浮橋以拒會北路賊自上
流渡出履泰軍後履泰且戰且卻身被十餘創遂死賊
亦創甚而遁越五日得其尸面如生

賜卹如例

縣志
忠義錄

江西通志卷一百四十一